



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.n.et.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 13403000000 7482

Raiffeisen bank d.d. BiH Sarajevo – filijala Zenica : 1610550009120069

Broj:01-2.08-4057/24

Datum:28.10.2024..godine

GRAD ZAVIDOVIĆI

GRADONAČELNIK

- Služba za upravu društvenih djelatnosti,
planja boraca i opću upravu -

PREDMET: Zahtjev za hitno postupanje, dostavlja se

VEZA : Vaš akt br. 04-45-15/24-AP-265 od 21.10.2024. godine.

Dana 23.10.2024. godine, u JU „Dom zdravlja“ Zavidovići zaprimljen je Vaš akt, broj: 04-45-15/24-AP-265 od 21.10.2024. godine, koji se odnosi na realizaciju tekućeg transfera za prevoz pacijenata na hemodijalizu, radioterapiju i kemoterapiju.

U Vašem dopusu, broj gornji, navodite da Tekući transfer sa kojeg tražimo isplatu ne nosi naziv „Tekući transfer JU Domu zdravlja Zavidovići- za prevoz pacijenata na hemodijalizu, radioterapiju i kemoterapiju“, nego je u pitanju „Tekući transfer za prevoz pacijenata na hemodijalizu, radioterapiju i kemoterapiju“. Na opisani način, valjda, nastojite ukazati kako predmetni tekući transfer nije predviđen za realizaciju posredstvom ove javne zdravstvene ustanove, istovremeno ne informišući nas na koji način planirate realizovati taj transfer, koji se, kao redovan transfer u Budžetu Grada Zavidovići, odnosno prethodno Općine Zavidovići, još od 2017. godine, redovno realizuje posredstvom Javne ustanove „Dom zdravlja“ Zavidovići. Pritom, svjesno ili ne, propuštate činjenicu da je i u Budžetu Grada Zavidovići za 2024. godinu („Službeni glasnik Grada Zavidovići“, broj: 13/23), spomenuti transfer uvršten u kategoriju „15 Program podrške zdravstvenim ustanovama i općem zdravlju“, te je prirodno da Vam se obraćamo za realizaciju istog, kao i svih prethodnih godina, budući da nismo prethodno informisani o bilo kakvoj promjeni.

Članom 32. stav 1., Odluke o izvršavanju Budžeta Grada Zavidovići, koju je donijelo Gradsko vijeće Zavidovići na 20. sjednici održanoj dana 28.12.2023. godine, propisano je da se sredstva utvrđena u Razdjelu 13 Glava 208 Budžeta, pozicija „Tekući transfer za prevoz pacijenata na hemodijalizu, radioterapiju i kemoterapiju“, koriste na osnovu akata koje donosi Gradonačelnik. Vašim dopisom, broj: 04-45-15/24-AP-265 od 21.10.2024. godine, prvi put smo, službeno, informisani o činjenici da Programom utroška Budžetom planiranih sredstava za 2024. godinu, nije predviđeno da se „Tekući transfer za prevoz pacijenata na hemodijalizu, radioterapiju i kemoterapiju“ realizuje uplatom Javnoj ustanovi „Dom zdravlja“ Zavidovići.

Budući da je izrada Programa utroška Budžetom planiranih sredstava za 2024. godinu u Vašoj nadležnosti, te da istim jednostrano dokidate dugogodišnju praksu finansiranja dijela djelatnosti ove javne zdravstvene ustanove, koja pacijentima pruža usluge prevoza na hemodijalizu, radioterapiju i kemoterapiju, prije svega, razumno i profesionalno bi bilo da ste nas blagovremeno informisali o navedenoj činjenici.

Svakako ste morali imati na umu da, kao javna ustanova čiji osnivač je Grad Zavidovići i prema kojoj biste se stoga morali domaćinski i ophoditi, očekujemo uplatu sredstava u cijelom iznosu transfera od 6.000,00 KM, budući da smo Vam prethodno uputili tri zahtjeva za uplatu sredstava sa transfera za prevoz pacijenata na hemodijalizu, radioterapiju i kemoterapiju (Zahtjev broj: 01-2.08-1837/24 od 18.04.2024. godine, Zahtjev broj: 01-2.08-2774/24 od 11.07.2024. godine i Zahtjev broj: 01-2.08-3935/24 od 16.10.2024. godine), na koje ste se oglašili.

U vezi s iznesenim, a budući da smo ušli u posljednji kvartal tekuće poslovne godine, očekujemo da izmijenite Vaš Program utroška Budžetom planiranih sredstava za 2024. godinu, te predvidite da se finansiranje aktivnosti prevoza pacijenata na hemodijalizu, radioterapiju i kemoterapiju, realizuje uplatom Javnoj ustanovi „Dom zdravlja“ Zavidovići, za već stvorene obaveze ove zdravstvene ustanove, nastale prije nego ste se udostojili informisati nas o jednostranoj izmjeni dugogodišnje prakse.

S poštovanjem!

PRIPREMIO:

Amir Tursić, dipl. pravnik

DOSTAVLJA SE:

Naslovu

Gradonačelnik (na znanje)

a/a

DIREKTOR:

Hadžić dr Amira,
spec. dijagnostičke radiologije

